

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Qaleralinnianut 6-meterimiik anginerusunik angallatilinnut pisassat tunniunneqartartut minnerpaaffilerneqarnissaat Naalakkersuisut pilersaarutigaat?**
- 2. Suliffeqarfiit angisuut qaleralittassanik sinerissap qanittuani 6 meter-iniit anginerusunut pisassanik pisiortorsimasut pisassaasa utertinneqarnissaannik imal. atorunnaarsinneqarnissaannik Naalakkersuisut pilersaaruteqarpat?**

(Karl-Kristian Kruse, Siumut)

Apeqqummut 1.-imut tunngavilersuut:

Taamannak apeqquteqarpunga isumaqarama minnerpaaffiliinikkut qaleralinniat 6-meteriniik anginerusunik angallatillit amigartoorutaanngitsumik inuussutissarsiorsinnaanissaat anguneqarsinnaasoq.

Apeqqummut 2.-mut tunngavilersuut:

Ukiuni kingullerni suliffeqarfiit angisuut sinersissap qanittuani qaleralittassanik annertuumik pisiortorsimapput sulilu pisiortornissamut periarfissaqarlutik. Isumaqarpunga tamanna ineriartorneq unitsinneqartariaqartoq inuit ataasiakkaat qaleralinniarnermik inuussutissarsiuteqartut periarfissaasa ajorsartunnginnissaat siunertaralugu. Qaleralittassat suliffeqarfissuit pisaaat utertinneqarsinnaaneri atorunnaarsinneqarsinnaaneriluunnit inuiaqatigiinnut aningaasartuutaaratarsinnaavoq, isumaqarpungali siunissaq eqqarsaatigalugu tamanna akilersinnaasoq, nunatsinni inuit ataasiakkaat qaleralinniarnermik inuussutissarsiuteqartut illersorsinnaasumik amerlassuseqartariaqaramik.

Apeqquteqaatimma ullut suliffiusut qulit iluanni akineqareersimanissaat kissaatigaara.